

Broj: 01-11-12-667-8/24  
Sarajevo, 03.07.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14 i 59/22), Plana nabavki Federalne uprave za geodetske i imovinsko-pravne poslove, broj: 01-11-12-399/24 od 22.02.2024. godine, Odluke o pokretanju otvorenog postupka javne nabavke usluga - „Održavanje postojećih ESRI i ORACLE softverskih licenci“, broj: 01-11-12-667/24 od 26.03.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-667-7/24 od 03.07.2024. godine, direktor Federalne uprave za geodetske i imovinsko-pravne poslove d o n o s i

## **O D L U K U**

**o izboru najpovoljnijeg ponuđača za LOT 1 i poništenju LOT-a 2 u otvorenom postupku javne nabavke usluga – „Održavanje postojećih ESRI i ORACLE softverskih licenci“**

### **I**

Prihvata se preporuka Komisije za provođenje otvorenog postupka javne nabavke usluga - „Održavanje postojećih ESRI i ORACLE softverskih licenci“, data u Zapisniku o ocjeni ponuda, broj: 01-11-12-667-7/24 od 03.07.2024. godine, da se za najpovoljniju ponudu za LOT 1 (Održavanje postojećih ESRI softverskih licenci) prihvati ponuda ponuđača GDi d.o.o. Sarajevo, a da se LOT 2 (Održavanje postojećih ORACLE softverskih licenci) predmetne nabavke usluga poništi iz razloga što u određenom krajnjem roku nije dostavljena nijedna ponuda, a temeljem obaveze ugovornog organa propisane članom 69. stav (2) tačka a) Zakona o javnim nabavkama.

### **II**

Ponuđaču GDi d.o.o. Sarajevo, u skladu sa Ponudom za LOT 1, broj: 07-06/24 od 11.06.2024. godine, i cijenom ponude u iznosu od 47.855,00 KM bez PDV-a, odnosno u ukupnom iznosu od 55.990,35 KM sa PDV-om, dostavit će se prijedlog ugovora za LOT 1 - „Održavanje postojećih ESRI softverskih licenci“.

### **III**

Izabrani ponuđač za LOT 1 GDi d.o.o. Sarajevo je uz ponudu dostavio sve kvalifikacijske dokaze iz izjava, odnosno iz uslova propisanih tenderskom dokumentacijom.

### **IV**

Ova Odluka dostavit će se izabranom ponuđaču za LOT 1 u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

## V

U skladu sa odredbama člana 99. i člana 101. Zakona o javnim nabavkama, protiv ove Odluke može se uložiti žalba u roku od deset (10) dana od dana zaprimanja.

Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom.

Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).

## VI

Ova Odluka stupa na snagu danom donošenja.

## O b r a z l o ž e n j e

Na temelju Zakona o javnim nabavkama („Službeni glasnik BiH”, br. 39/14 i 59/22) i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-667/24 od 26.03.2024. godine, pokrenula otvoreni postupak javne nabavke usluga - „Održavanje postojećih ESRI i ORACLE softverskih licenci”, te na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-13-3-15/24 od 20.05.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-667-1/24 od 26.03.2024. godine, koja je o istom sačinila Zapisnik o zaprimanju ponuda, broj: 01-11-12-667-4/24 od 11.06.2024. godine, Zapisnik o otvaranju ponuda, broj: 01-11-12-667-5/24 od 11.06.2024. godine i Zapisnik o ocjeni ponuda, broj: 01-11-12-667-7/24 od 03.07.2024. godine.

U skladu sa tenderskom dokumentacijom i Obavještenjem o nabavci sa web Portala Agencije za javne nabavke BiH, dana 11.06.2024. u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to ponude:

### 1. GDi d.o.o. Sarajevo (LOT 1)

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljena ukupno jedna (1) ponuda za predmetnu nabavku usluga, i to ponuda ponuđača GDi d.o.o. Sarajevo za LOT 1, dok za LOT 2 nije bilo dostavljenih ponuda.

Pregledom i analizom ponude za LOT 1, Komisija je konstatovala da je zaprimljena ponuda dostavljena na način predviđen tenderskom dokumentacijom, da je cijena predmetne ponude u iznosu koji je nešto niži od vrijednosti koja je procijenjena za ovu vrstu javne nabavke usluga, zatim da je ponuđač GDi d.o.o. Sarajevo kvalifikovan za pružanje predmetnih usluga, te da je uz ponudu dostavljena sva obligatorna kvalifikaciona dokumentacija propisana tenderskom dokumentacijom, kao i svi kvalifikacioni dokazi.

Komisija je također utvrdila da ponuda ne sadrži formalno-pravne, odnosno tehničke nedostatke u odnosu na tendersku dokumentaciju, a koji bi eventualno bili razlog za odbacivanje iste.

Tačkom 3.7. tenderske dokumentacije ovaj ugovorni organ je za predmetnu nabavku usluga predvidio postupak E-aukcije, međutim imajući u vidu da je zaprimljena samo jedna prihvatljiva ponuda za LOT 1, to u skladu sa odredbom člana 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16) nije bilo osnova za zakazivanje postupka E-aukcije.

Uzimajući u obzir naprijed navedeno, kao i kriterij prihvatljive ponude sa najnižom cijenom kao uslova za dodjelu ugovora, kako je to propisano tačkom 3.6. tenderske dokumentacije, Komisija je ocijenila da je ponuda ponuđača GDi d.o.o. Sarajevo za LOT 1 formalno-pravno i tehnički prihvatljiva, te da ispunjava sve uslove tražene tenderskom dokumentacijom i projektnim zadatkom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za LOT 1 - „Održavanje postojećih ESRI softverskih licenci“.

Vezano za LOT 2 – „Održavanje postojećih ORACLE softverskih licenci“, gdje do određenog roka za dostavu ponuda nije zaprimljena niti jedna ponuda, Komisija je predložila, a ugovorni organ prihvatio, da se u ovom slučaju u skladu sa članom 69. stav (2) pod a) Zakona o javnim nabavkama donose odluka o poništenju LOT-a 2 predmetne nabavke usluga.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj: 01-11-12-667-7/24 od 03.07.2024. godine, da se za najuspješniju ponudu za LOT 1 prihvati ponuda ponuđača GDi d.o.o. Sarajevo, a koja je ocijenjena kao prihvatljiva, tehnički kvalifikovana i najpovoljnija, sa cijenom ponude u iznosu od 47.855,00 KM bez PDV-a, odnosno u ukupnom iznosu od 55.990,35 KM sa PDV-om, a da se LOT 2 predmetnog postupka nabavke usluga temeljem obaveze ugovornog organa propisane članom 69. stav (2) tačka a) Zakona o javnim nabavkama poništi.

U postupku analize provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je donio Odluku kao u dispozitivu.

**DIREKTOR**  
Zeljko Obradović, dipl.ing.geod.



**Prilog:** Zapisnik o ocjeni ponuda

**DOSTAVITI:**

1. GDi d.o.o. Sarajevo;
2. Sektor za geoinformatiku - o v d j e;
3. U spis.

